

Nama Reti Pengidup?

BAGI KE LIMA

Penyimpul jaku (Pengawa Ti Patut Dikereja)

Kitai deka dipechara di mua TUHAN, sekali ka kitai nya tadi ngereja pemadas tauka penyai. Nya alai kitai patut berati ka enggau bendar, awak ka kitai nemu nama pengawa ti patut digaga kitai lebh idup ba dunya tu.

A. *Bakani kitai tau tulih ka pengidup ti meruan?*

- i. Apin kitai ngelala TUHAN, semua orang endang bedosa magang, lalu jauh ngejang ari mulia TUHAN (**Rome 3:23**). Ukai reti kitai bisi dosa ti mit, TUHAN enda ngukum kitai. Kitai enda tau enda nemu, semua dosa nadai pilih nya besai tauka mit, endang disebut dosa magang. Nama disebut ka dosa, kitai endang enda ulih meda perintah Allah Taala, sereta endang enda bulih pengidup ti meruan.
- ii. **Nama utai patut digaga kitai?** “...Ngesal sereta lengka ka dosa kita, laban Perintah serega nyau semak!” (**Matthew 4:17**). Anang madah ka diri enda kala bedosa, laban nya PEMULA!, lalu dalam kitai nadai pemendar. Ngaku lalu ngesal ka dosa kitai, nya utai ti lurus dipeda TUHAN, (**1 John 1:8-10**).
- iii. Laban upah dosa iya nya **mati!** Semadi meh kitai mengkang dalam Kristus, (**Rome 6:23**).
- iv. Laban pengasih Allah Taala ka kitai mensia PEMADU BESAI, nya kebuah IYA meri Anak Tunggal IYA ka dalam dunya tu, ngambi ka kitai enda tau ‘MATTI’ tang tulih ka pengidup ti meruan belama iya. (**John 3:16**).
- v. **Tu Berita Manah!** Jesus mati ketegal kitai. Kitai enda ulih muai dosa diri enti enda ketegal pengasih TUHAN. Sapa ti deka mati ka orang bukai? Nadai! Semina siku Jesus aja ti ulih ngereja nya. Ulih darah Iya dosa kitai diberesi, pengeringat TUHAN ka kitai nadai agi. Laban kitai udah bebaik enggau IYA ulih Kristus siku aja, (**Rome 5:6-11**).

B. *Bakani ka kitai tau idup begulai enggau Jesus?*

- vi. Barang sapa ti besaum enggau Kristus, iya nya orang ti baru, (**2 Korint 5:17**). Lebh kitai nerima Jesus nyadi ka Tuhan enggau Pengelepas kitai, awak ka pengidup kitai ti lama dilengka, tang uji ngatur pendiau diri dalam pengidup ti baru enggau Kristus.
- vii. Nya alai teguh ka ati kitai anang bekinsit, laban pengawa ka dikereja kitai nadai pulai ka pengerugi, (**1 Korint 15:58**). Selalu bekereja pulai ka pemanah kitai dalam TUHAN. Selalu ngasi enggau nangi ka pesan Kristus.

C. *Nama kebuah kitai selalu ngemansang ka runding diri empu enda mansik dulu Jalai TUHAN?*

- i. Lebh kitai deka meli rumah, kitai endang nemu rumah nya digaga ba atas tanah ka lembut (paya) – laban udah dilamun tauka udah dirata, nyadi semua nya dipeda manah. Kitai meda rumah nya manah amat, rega pan enda ga mar. Kitai nadai mansik bakani chara rumah nya digaga, lalu enda mereti ka nama gaya penyadi tanah ti alai rumah nya didiri ka, udah iya tembu. Laban ketegal ati ti kelalu gagit, kitai terus

Nama Reti Pengidup?

ngeluar ka duit. Nama penyadi rumah nya, udah iya betaun-taun alai kitai diau? Kati kitai enda ngesal?

- ii. Bakanya mega gaya pengidup kitai enda betuai ka Jesus. Enti kitai ngejang jauh ari Iya, kitai ngasai ka pengidup kitai endang amat bisi pengelantang, laban kitai deka ngereja pengawa nitih ka peneka kitai empu nadai orang ngelalau. Tang udah penusah datai, pemedis bisi di asai, pemerinsa enda ulih lengka, baru kitai nemu sapa alai kitai manggai ka pengidup kitai. Baru kitai belabuh ngiga TUHAN. Tang enti nasip agi manah, nadai ngawa agi bisi pengadang. Tang enti nasip jai? Kitai mati? Enda sempat ngampun penyalah diri ngagai TUHAN? Sorry, bye-bye!
- iii. Nya alai bala menyadi, anang muai peluang ka bisi diatu ka udah diungkap ka TUHAN ngagai kitai. Kena meh peluang tu enggau manah, enggai ka dudi ari ila, kitai asa nadai penunga. Ngujong ka pengidup kitai tebunsa mati sebarang alai, laban udah salah tuju jalai. Mayuh mega kitai ka udah nemu Jesus tang agi baka ulah ka lama. Minta kitai sama-sama ngelengka ka nya, pulai ngagai Iya baru, ngesal ka dosa diri. Laban semina Jesus aja ti ulih meri kitai pengidup ti meruan,
 - a) Ko Jesus; *“Aku tu roti pengidup. Iya ti datai ngagai Aku enda nemu lapar, iya ti arap ka Aku enda nemu aus.”* (John 6:35). Kitai makai roti dikena ngenyang ka perut sereta meri pemansang ngagai tubuh. Tang kitai ulih ngemuas ka pengidup dalam roh, enti kitai mengkang ngasi, nangi sereta bakaul enggau Jesus. Nya kebuah Jesus madah, Iya roti pengidup.
 - b) Semina Jesus aja ti ulih meri pengidup meruan, laban Iya Kristus, Iya ti Kudus, Anak Allah Taala ti idup, (John 6:68-69)
 - c) Jesus nampung baru; *“Barang sapa ti arap ka Aku, mata ai ti idup deka lilih ari ati iya,”* (John 7:38). Tu nunjok ka tanda pengidup meruan, ianya Roh Kudus ti deka disambut ulih sida ti arap. Barang sapa ti arap lalu nerima Kristus, Roh Kudus deka meri pengidup ti meruan.
 - d) *“Aku meri sida (mensia) pengidup ti meruan lalu sida enda tau mati; lalu nadai siku orang (Sitan) ulih ngerampas sida ari jari Aku.”* (John 10:28). Jesus ti nyadi Pengibun bedus, nyaga bala bedus iya (orang ti arap). Iya nyaga sida ari pengerusak ti mai pematil belama iya. Amat meh kitai merinsa tubuh ba dunya tu, tang Sitan enda ulih ngerusak roh (samengat) kitai. Tang enti kitai milih nitih ka Jesus, Iya deka meri kitai pengidup ti nyamai ti nadai tau abis.
 - e) Jaku ti ngamat ka Jesus endang amat pun pengidup, Iya madah; *“Aku tu meh JALAI, PEMENDAR, enggau PENGIDUP; nadai siku orang ulih datai ngagai Apai (Allah Taala) enti enda ulih ari Aku.”* (John 14:6).

Bup Kudus udah nerang ka kitai nama reti pengidup. Enda ibuh kitai kiruh deka meli bup ka dijual ba pasar pasal pengidup, laban nya nadai meri kitai pengidup ti meruan, semina pengidup ba dunya tu aja.

Besedia meh kitai! Laban Anak Mensia datai sebarang maya. Kitai mega enda nemu ni maya pematil datai ba kitai mega;

Nama Reti Pengidup?

☞ *“Kitai mega ENDA TAU ENDA selalu besedia, laban Anak Mensia (Jesus) deka datai sebarang maya, lebuah kita enda ngadang Iya datai.” (Matthew 24:44).* Jesus ukai madah ka kitai penatai Iya ke dua kali ngasuh kitai ngerunding nya ngena main sangka tauka ngira maya hari Iya patut datai. Tang Iya meri ajar ngasuh kitai selalu besedia. Kitai enda nemu, lalu nadai siku orang nemu. Chara ti selamat ianya, selalu ngasi ka pesan Iya, lalu selalu ngadang (baris 46). Ukai semina nya, kitai mega enda nemu maya diri empu mati. Laban lebuah kitai udah mati, enti kitai nadai ngasi ka pesan Iya maya kitai ti agi idup ba dunya, nya pan tau dikumbai kitai enda besedia. *“Keba nya kita patut selalu berjaga, laban kita enda nemu maya hari enggau jam.” (Matthew 25:13).* Kitai enda nemu maya timpuh kitai ninggal ka dunya tu. Nya alai kitai nguji anang ngelengka ka pesan Kristus, sereta selalu taluk ngagai Iya sepemanjai umur kita idup.

Pengasih Tuhan Jesus Kristus, pengerindu Allah Taala, enggau penyaup Roh Kudus endang meruan enggau kitai semua belama iya. Amin.

.....**ABIS**.....

**Terima kasih
TUHAN merekat kita semua**